



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Œcumenica Cathedræ Apostolicæ Avthoritas**

**Reding, Augustin**

**[Ort nicht ermittelt], Anno M.DC.LXXXIX.**

**§. I.**

**urn:nbn:de:hbz:466:1-38717**

cœli obortas damnandas, congregantur ex antiquissimo Ecclesiæ more.

Sic enim (Pallavicino lib. 6. Hist. Concil. Trident. cap. 2. n. 4. id probante) non in tribus postremis foliis Concilijs, Constantiensi, Florentino, ac Lateranensi Generales Ordinum Religiosorum præfecti, atque Abbates potestate suffragandi usi; sed in Viennensi in Gallia, in duobus Lugdunensibus, & in alijs quatuor Lateranensis juxta ac Episcopi habitifunt. Cujus etiam moris vestigium satis apparet in septima Orientali Synodo, ubi in secundâ Actione Monachi pariter advocantur ad suam lenteitiam proferendam: & in Actione quartâ Archimandritæ & Hegumeni, hoc est, Doctores, unius, vel plurimi Monasteriorum præfectorum gerentes, una cum Episcopis sua nomina decretis Fidei subscribebant. Huc accedit, Abbates, cum inaugurarunt, obstringere se jurejurando, idem ac Episcopi solent, ut Concilio interfiant, ubi à Pontifice advocentur. In Romana pariter Ecclesiæ Ritualibus connumerant Abbates inter eos, qui jus suffragijs obtinent in Conciliis; additurque, id postea merito ad Religiorum summos Praesides inducunt.

Ex quibus proinde liquet, Episcopos ex Ordinarij juris potestate, Abbates verò ex privilegio veteris consuetudinis, habere illum characterem, vi cuius obtineant jus suffragijs in Conciliis Oecumenicis: dum in nomine, id est, Vicarii Christi autoritate congregantur.

Infertur 3. Pontificiam autoritatem in hoc equidem æquiparari cum supremâ politica Regia potestate, quod utraque formaliter in se, ac in abstracto, secundum suæ essentiæ institutionem spectata, sit Iuris Divini, attamen diligenter pars in hoc vel maximè, quod illius, non istius collatio, atque adeo ad certum individuum suppositum applicatio subjectiva, si etiam quoad intrinsecam suam rationem Iuris Divini. Unde fit consequens, Regiam quidem potestatem quoad sui moralem applicabilitatem seu subjectivam, seu effectivam, quia in Regnum Calorum ordinabilem, subesse clavibus Ecclesiæ, attamen in ordine ad subjectivam Papalis eminentia applicabilitatem in terris nullam esse autoritatem, quæ super eâ se possit ingerere, licet quoad modum electionis solum accidentarie, Ecclesia sit potestas, super eo discernendi; prout dicetur in subsequentibus practicâ Disquisit. Ulbi exactior exhibebitur resolutionis dubio in præ. disquisit. §. 1. n. 5. adducti.

DISQUISITIO II.

In quo centro versetur presentis articuli difficultas;

### §. I.

Concilium Universale in quadruplici statu considerari potest. 1. Tanquam aequalium, vivente tamen Pontifice, abique ejus

authoritate & consensu congregatum. Ut sic autem nullam omnino habet potestatem condendi leges obligantes Ecclesiam, siquidem ista authoritas legatur Petro, ejusque successoribus, non autem universitati Prælatorum Ecclesiasticorum data, quia potius istis etiam congregatis tanquam membris non aliter competat, nisi per derivationem ex concessione Pontificiâ. Eo ipso autem, quod Concilium absque Pontificis authoritate sit congregatum, caret tunc Capite, ex cuius influxu particeps possit jurisdictionem.

2. Potest Concilium esse congregatum auctoritate Pontificiâ, atque tunc controvertitur inter Doctores, an vi convocationis eo ipso habeat à Pontifice potestatem ferendi leges, quæ antecedenter ad Pontificis approbationem ligarent Ecclesiam. Affirmant enim Bonacina disp. 1. q. 1. p. 3. n. 13. Victoria in relect. de potestate Papæ q. 1. n. 6. Econtra Cajetanus opus. de comparat. Papæ & Concilij. Navarrus lib. Cons. tit. de Concil. conf. 1. n. 2. Castropalaus de Legibus. punc. 22. n. 15. & alij arbitrantur; ex vi illius auctoritativæ convocationis summum Pontificem potestatis suæ de universalis Ecclesiâ per leges obligandâ delegationem non in tantum facere, quin pro tali obligatione introducendâ, opus adhuc sit approbatione Pontificiâ, eò vel maximè, quod omnia Concilia Generalia soleant à Summo Pontifice postulare Decretorum suorum confirmationem, veluti à Concilio quoque Tridentino sess. 25. in fine factum constat. Unde videtur evinci, quod ipsamer etiam Concilia Generalia iudicent, leges suas, ad obligationem toti Ecclesiæ inducendam, indigere adhuc approbatione Pontificiâ.

3. De Concilio auctoritate Papæ congregato, posset moveri difficultas; An ipsi per summum Pontificem posset fieri talis delegatio jurisdictionis suæ Pontificiæ, ut vi talis delegationis leges quæcumque statutæ, eo ipso absque ulteriori Pontificis approbatione ligarent universalis Ecclesiâ? In quo equidem affirmat Salas de Legib. disp. 8. sect. 19. n. 92. Econtra negat Suarez cit. lib. 4. cap. 6. in fine, eò quod leges Canonicae obligantes totam Ecclesiam, proficiunt debeat à potestate, quæ in rebus ad mores pertinentibus errare non possit. Hæc autem potestas pendens à speciali Spiritus sancti directione Pontifici promissa, quæ non est delegabilis, atque potestas articulos fidei definendi delegari non possit. Verum Castropalaus cit. punc. 23. n. 30. videtur optimè distinxisse. Alia enim sunt leges, quæ non tam sunt positive constitutiones, quam definitions fidei, & conclusiones ex principiis tum revelatis, tum naturalibus deductæ: cuiusmodi censetur esse lex prohibens matrimonia eunuchorum, bigamiam, coitum vagum, mutuum dare sub usuris, & fortè præscriptionem rei malæ fidei possesse. At eo ipso, quod assistentia Spiritus sancti ad ejusmodi leges requisita delegari nequeat, sequitur, neque potestatem leges ejusmodi ferendi esse à Pontifice delegabilem. Alia proinde leges sunt per modum positive constitutionis, non nisi

Eccl.

remo.

*remorē ad salutem pertinentes, utpote quibus etiam non existentibus, salus obtineri posset, cuiusmodi v. g. sunt leges statuentes peculiaria quædam jejunia, seu beneficia acquirendi modum, vel accidentarias missæ sacrificij ceremonias. In his autem, cum non sit opus infallibili Spiritus sancti assistentiā, videtur omnino, potestatem legislativam esse delegabilem.*

4. Denique Concilium Generale potest esse congregatum vel deficiente Summo Pontifice, utpote in hæresim laplo, atque adeo auctoritate suā, (qua non nisi Capitu, atque adeo membro Ecclesiæ per Christum concessa est) destituto, vel schismate, ratione cuius de legitimo Papā dubitatur, interveniente. In quibus adeo casibus ex ipso jure naturali, ne scilicet Ecclesiæ omni remedio videatur destituta, posse Concilium taliter congregatum, condere leges Ecclesiæ gubernationi pro illo statu necessarias, non tamē perpetuō, nisi potesta per summum Pontificem approbantur, pro universali Ecclesiæ duraturas, Suarez citatus n. 4. & ex ipso Castropalaus n. 16. probant ex eo, quod non alia tunc sit Concilio potestas, nisi qua ex jure Divino naturali in quolibet Corpore Mystico consequitur, ut supremo Capite deficiente, possit se gubernare, ac tueri per particulares in unum Corpus unitos principes: ejusmodi verō potestas si restricta ad talem necessitatē statum.

5. Quos singulos Concilij Universalis status in subsequentibus pro rei exigentiā examinabimus, unicē hic expenſū statū secundi triplicem difficultatem, qua in eo se tenet; Vtrum Concilio Generali per auctoritatem Pontificiam legitimè congregato, atque per hujus Pontificij, vicariorum Christi nomen præsentis characteris concursum solennizato, competat specialis prærogativa, ex qua obtinet quandam *supra* Pontificem seu majoritatis, seu superioritatis speciem? Sive; An Concilium Romani Pontificis auctoritate congregatum, sicq. in primārā sui apertione Christi Vicario charactere insigntum, ex tunc habeat immediatam à Christo auctoritatem, in vi cuius ex se ipso, absque auctoritatis Pontificia concursu, repudari possit Oecumenicum, nec adeo ad solius Pontificis voluntatem dissolvi amplius valeat? Vel? Vtrum Concilium taliter congregatum, eatnus sit repræsentans universam Ecclesiæ, ut Papa non debat, vel etiam possit dici *Caput illius?*

### S. II.

Referuntur sententiæ, & argu-  
menta Adversariorum cum congruis  
Doctorum nobiscum sententium ad ea re-  
sponsionibus, & aliquali super  
istis reflexione.

### ARGUMENTUM I.

6. Ad rei hujus accuratiorem elucidationem,  
opera pœcum viderur, primo loco in par-  
tis adversæ favorem proferte in medium, quæ  
ad pœlens institutum agitabantur in faccio-

Oecumenico Tridentino Concilio; prout videre est apud Pallavicinum lib. 19. ejusdem hist. cap. 14. n. 5. cap. 15. n. 3. Nempe pro subsecutâ Sessione 23. inter alios de Ordinis sacramenta Canones, oclavus fuerat in hunc modum efformatus: *Anathema sit, si quis dixerit, B. Petrum per institutionem Christi non fuisse primum inter Apostolos, & ejus Vicarium in terra; vel neceſſe non esse, ut sit in Ecclesia unus Pontifex Petri Successor, eiq. æqualis in auctoritate regiminis, atque in Romana Sede legitimos ejus Successores ad hoc usque tempus non habuisse jus Principatus in Ecclesia, nec fuisse Patres, Pastores, Doctores omnium Christianorum, nec ipsis traditam à Domino nostro Iesu Christo plenam potestatem pascendi, regendi, & gubernandi Ecclesiam Universalem.* In hac Canonis nomina Episcopi, ac Theologi Galli improbabant, quod dicetur: *Romanum Pontificem esse Petro aequali in auctoritate regendi: quippe cum Apostolus iste potuerit aliqua confidere, v. g. libros Canonicos dictare, qua Successoribus ipsius non fuerunt concessa. Vellicabat etiam animos Gallorum, ne ullam sinerent irreperere voculam, qua officeret propositioni, quam Ferrerius Gallus Regis Orator coram Legatis Pontificijs quasi pro certissimo principio ponebat: Concilium nempe supra Romanum Pontificem esse: Religionem & Gallicanam Ecclesiam non modō id sentire, sed profiteri, & jurejurando affirmare tanquam articulum necessarium; idque jure optimo ex Concilij Constantiensis auctoritate. Prescribi quidem sibi in mandatis Regijs, ne hujusmodi controversiam excitarent, sed simul, ne sinerent liberum aditum cuilibet verbo, quod illi ipsorum Religioni opponeretur.*

Hinc Seripandus Legatus Pontificius ad 7. Ferrerium converfus, dixit: allatum ab illo fundamentum Synodi Constantiensis haud solidum esse: id temporis certum Pontificem non extitisse, atque hinc ad schisma sedandum, opus fuisse, ut declaratio ad Synodum pertineret, adeoque, ut illa præster cunctis illis Pontificibus litigiosis. At in præsentia vive-  
re inter Catholicos supremum Pontificem cer-  
tum, legitimum, atque indubitatum, cui uni-  
versa Ecclesia subdebat. Varijs exinde modis per litteras Pontificias Româ allatas propositis, ad componendum cum exterritionibus dissidia, videbantur cuncta haud dif-  
ficolter perfici posse, unico excepto, nimurum ne concederetur Pontifici, quod a Florentina Synodo ipsi tribuebatur, hoc est, illi deberi Universalis Ecclesiæ regimen. Iniquissime id negari, reponebatur, quando etiam ante eam Synodum in eo cognoverat alia Synodus Oecumenica, in Gallia Lugduni celebrata: & quando apparebat in vetustissimis diplomatis præsens consuetudo appellandi Romanum Pontificem Episcopum Ecclesiæ Catholicae, quod tantum lona, quantum Universalis: quin etiam, quando ritus est à Cæſare usurpatus, cum ad Pontificem scribit, ut apponat inscriptioni: *Ad Romanum Pontificem Universalis Ecclesiæ.* Verumtamen addebatur in ijs litteris, necum alieni animi duritie decertaretur, posse loco dictiarum vocum hanc ponii, *Regere universum* Dossini